

عمرو دياب

موسوعة الأغاني

ومشوار الحياة

إعداد

عبد الله كشك

دار الشريف للنشر والتوزيع

دار الشريف للنشر والتوزيع

طنطا - مصر

ص.ب ٤٩٣ الرقم البريدي ٣١١١١

ت ، ف : ٠٤٠/٥٦١١٧٣٧

محمول ٠١٠/٥٦٣٧٦٣٢

رقم الإيداع بدار الكتب المصرية

٢٠٠١/١٥٥١٥

مقدمة

في هذا الكتاب ركزنا الضوء على حياة فنان عالمي خرج من مصر- تلكم البلد التي تعود العالم كله إخراج المواهب الفنية العالمية من هنا من مصر- ففي هذا الكتاب نتحدث خفايا وأسرار ونجومية الفنان عمرو دياب منذ البداية حتى حقق نجوميته الكاسحة.

فهذا العمل ليس منة منا لعمرو وإنما واجب أن نرصد له مشوار النجاح الذي وصل به إلى العالمية التي لم يصل إليها أحد سواه. إن الكل يعلم أن الطريق إلى الشهرة المحلية صعب فأصعب منه الوصول إلى الشهرة العالمية ليس هذا فحسب بل النجاح في هذه المرحلة وملئ مكانه فيها..وحتى وقتنا الحاضر دائما يقدم لعشاقه وكل محبيه الجديد بل لا يمل البحث عن الجديد

عبدالله كشك

مشوار الحياة

عمرو دياب يعتبر من أوائل المطربين الذين اهتموا بالغناء منذ الصغر فهذا الصوت الملائكي ظهر في وقت تعطش فيه العالم لمن يستحق العالميه وفي جو الرومانسية الحقيقي على شاطئ البحر سمع الناس صوت الحنية الحقيقية صوت عمرو دياب .. وبدء الظهور بسرعة البرق كما هي عادة المجتهدين من أمثل ...عبد الحليم ..وأم كلثوم ..وعبد الوهاب ...وغيرهم.

فظل عمرو يغني دون أن يهتم بظهوره على الشاشة في البرامج والإعلانات والفيديو كليب .حتى عصر- الأغنية المصورة لم يكن ذا شهرة وفي الثمانينات ظهرت أول أغنية مصورة لعمرو وهذه الأغنية هي مياي وهذه الأغنية ساهمت إلى حد كبير في انتشاره ولقد شاهد الجمهور عمرو بصورة جديدة بعد ذلك وأصبح يمتلك شعبية كبيرة جدا لدى جمهور الأغنية الشبابية وأصبح الفيديو كليب عاملا أساسيا للنجاح في أي أغنية بعد نجاح الأغنية .

طموحات

قال عمرو دياب سافرت لأمريكا مرتين قبل أول زيارة قالوا بأن كل أغنياقي تذاع وكانت أول رحلة لي لأمريكا بمثابة بطاقة تعارف بيني وبين جمهور المغتربين وفي الرحلة الثانية لأمريكا قررت أن تكون رحلتي أيضا إلى كندا ومونتريال وأوتاوا وأقيمت في هذه المدن حفلات كانت ناجحة للغاية . وقال أنه خلال هذه الزيارة استضافتني إذاعة واشنطن العربية من خلال الفترة المفتوحة واستمرت المقابلة أكثر من أربع ساعات على الهواء مباشرة تلقيت فيها أكثر من مكالمة تليفونية أصحابها يشكروني لأن أولادهم تعلموا العربية من خلال أغنيتي لهم .

كان من أول طموحاتي الوصول بالأغنيات المصرية للعالمية .

منتهى طموحي عندما أسافر إلى بلاد العم سام أن أستمع من خلال الإذاعات العربية والمصرية والموسيقى الشرقية ..هل هذا مطمع وطمح صعب المنال ؟
.. أشك في ذلك !!.

وحتى الغناء في الأوبرا يتخيله عمرو بصورة جديدة ويكتب (أحلم بالغناء في الأوبرا .. وكي أحقق هذه اللحظة فقد سألت نفسي- ذات مرة .. والآن وبعد نجاح حفلاتي في الخارج بهذه الصورة وهذا المستوى لماذا لا أعمل مثل النجوم المطربين العالميين ..)

عمرو دياب

قلوع مروحين

قلوع قلوع قلوع قلوع مروحين
عيون عيون عيون عيون متغرين
ما حد عارف مين مين المروحين
مين اللي راح يفرح ومين يبات حزين
لقي وفرقة وقدر ومين يختار نصيبه
حبيب زي القمر غريب في ليل حبيبه
بعدي بحر دموع يصادفني بحر ندم
راحوا الصحاب حواللي ليا فيهم عشم
بشر يزرع قمر في عتمة الدموع
وقلوب زي المطر وقلوب من غير قلوب
يا روعي يا عطشانة يانفسي يا تعبانية
قلوع لفين وخدانا في رحلة الحنين

راجعين

راجعين نعشق وندوب ونعيش مع بعض حياتنا
راجعين مايفيدش هروب من شوقنا ومن حكاياتنا
وتعالى تعالى يا حبيب العمر تعالى
كل اللي أنا عشته ف بعدك من عمري دا مش محسوب

وحلفت اني هفارق وهعيش من غير عينيك
مش بس لقيتني عاشق أنا روعي لقيتها فيك
وتعالى تعالى يا حبيب العمر تعالى
كل اللي أنا عشته ف بعدك من عمري دا مش محسوب

يا حبيبي بلاش نعاتب ونجيب سيرة اللي فات
دا مفيش بين الحبايب غير أحلى الذكريات
وتعالى تعالى يا حبيب العمر تعالى
كل اللي أنا عشته ف بعدك من عمري دا مش محسوب

راجعين نعشق وندوب ونعيش مع بعض حياتنا
راجعين مايفيدش هروب من شوقنا ومن حكاياتنا
وتعالى تعالى يا حبيب العمر تعالى
كل اللي أنا عشته ف بعدك من عمري دا مش محسوب

رجعت من السفر

ورجعت من السفر دايب من الفراق
مشتاق لعيون حبيبي وللحظة اشتياق
فتحت الباب لقيت ورقة وكلمة وداع
سابتني الي عشانها دقت سنين الضياع
كنت فاكرها ملاك لكن طلعت بشر

عشان مين قلبي سافر واتحمل وانتظر
ولمين كانت آهاتي وليالي كثير سهر
وكلام حب في جواب وسنين بعد وعذاب
مصعبش عليها قلبي ولا عمري الي انهدر

ورجعت من السفر دايب من الفراق
مشتاق لعيون حبيبي وللحظة اشتياق
فتحت الباب لقيت ورقة وكلمة وداع
سابتني الي عشانها دقت سنين الضياع
كنت فاكرها ملاك لكن طلعت بشر
قلبي الي طار ورفرف فجأة لقيته اتسجن
ازاي يبقى غريب واحنا في حضن الوطن
الحلم في ثانية راح مش باقي غير جراح
وذكريات حزينة تعيش طول الزمن

ما يتحكّيش عليها

مايتحكّيش عليها

زي الملائكة اما تشوفها ورداية تحلم تقطفها

مايتحكّيش عليها

دانا لسه فاكر من يومها ساعة ما كنت بكلمها

ضحكتها وعنيها مايتحكّيش عليها

أجمل ما فيها اللي واخدني

ضحكة بريئة بتوعديني

دي حاجات كتير بحلم بيها

أنا من زمان مستنيها لكني مش هحكيا

مايتحكّيش عليها

زي الملائكة اما تشوفها ورداية تحلم تقطفها

مايتحكّيش عليها

كان حلم عمري اللي لقينته كان كل شيء اتمينته

حبيتها كده زي ماهيا ضحكتها مش ضحكة عادية

توصفها تلاقيا

مايتحكّيش عليها

زي الملائكة اما تشوفها ورداية تحلم تقطفها

مايتحكّيش عليها

دانا لسه فاكر من يومها ساعة ما كنت بكلمها

ضحكتها وعنيها

أيامنا

هتلاقي فين ايامنا هتلاقي فين احلامنا
ويرضي مين ان احنا مكنش يوم عاشقين

حيننا وعشقنا وقولنا مش غلطتنا
ان الزمان صالحنا بس المهم ان احنا
منرجعش في كلامنا

اجمل سنين عشناها من في الوجود ينساها
وفين هنلاقي روحنا لو عشنا يوم تايهين

اتقال كلام علينا واتقال الشوق نسينا
واتقال كلام جرحنا من ناس كثير تانين

الماضي

الماضي دا كان كله جراح..... ما بلاش نتكلم في الماضي
هندور ليه على شىء راح....و ما دمت بحبك انا راضي

يا أرق ملاك انا قلبي ملاك

بعيونك آه كل الاحلام

الماضي انتهى لما عرفتها

و عرفت انها حبتني اكيد

حسيت وقتها انى بحبها

وابتدى حبها جوايا يزيد

يا أرق ملاك انا قلبي ملاك

بعيونك آه كل الاحلام

احساسي انها عاشقة بقلبيها

وانا صدقتها خلاي بقيت

انا اقرب لها من الناس كلها

و بنيتها اجمل قصر و بيت

يا أرق ملاك انا قلبي ملاك

بعيونك آه كل الاحلام

الماضي دا كان كله جراح... ما بلاش نتكلم في الماضي

هندور ليه على شىء راح...و ما دمت بحبك انا راضي

يا أرق ملاك انا قلبي ملاك

بعيونك آه كل الاحلام

نور العين

حبيبي يا نور العين يا ساكن خياليحبيبي يا نور العين يا ساكن خيالي

عاشق بقالي سنين ولا غيرك في بالي

حبيبي حبيبي حبيبي يا نور العين

حبيبي حبيبي حبيبي يا نور العين

يا ساكن خيالي

أجمل عيون في الكون أنا شفتها

الله عليك الله على سحرها

عيونك معايا عيونك كفاية تنور ليالي

حبيبي حبيبي حبيبي يا نور العين

يا ساكن خيالي

قلبك ناداني وقال بتحبني

الله عليك الله طمنتني

معاك البداية وكل الحكاية

معاك للنهاية

حبيبي حبيبي حبيبي يا نور العين

يا ساكن خيالي

ليلة من عمري

ليلة من عمري

ليلة من عمري ليلة بكل الزمان

ليلة من عمري بالجاي واللى كان

انا كنت باحلم بيها اول ماشفت عندها حسيت بحاجة

غريبة حسيت ويا الحبيبة بالراحة والامان

شفتك ملاك وسط الزحام دخلتى قلبي والسلام

هما يادوبك نظرتين حبيت وتاه منى الكلام

لفيت كثير ومشيت كثير ياعمري

يا حبي الكبير

واخترتك انتى للزمان وبقيت انا حر واسير

نفس المكان

نفس المكان اللى كان بيجمعنا سوا

هو مكان الوداع اللى ضاع فى الهوا

ازاى يا حبيبى ياعمري يا أغلى الناس فى عينيا

معقولة أنا هنت عليك وازاى هنت انت عليا

وازاى يا حبيبى ضيعنا هوانا

عمري اللى فات والذكريات كانوا هنا

وانت بعيد قلبي غريب وأنا مش أنا

أحلى الليالى راحت ياغالى

جاوب سؤالي فين حبنا

ارجع عشان ملناش مكان غير حبنا

بعدك حرام شوف عدا كام من عمرنا

ياشاغلى بالى شوف ايه جralى

جاوب سؤالي فين حبنا

تفتكريني

أنا مش هضعف تانى قصادك أنا مش هرجع أبص ورايا
قربك عندي زى بعادك يعنى خلاص مش فارقة معايا
تفتكريني أو تنسيني مبقاش فيكي شىء يغيريني
الأيام اللى عشتها وياك نسيتهها

أيام عدت لكرهتها ولا حبيبتها
اصحى ومن أحلامك فوقى ضعفك مش هيرجع شوقى
الأحلام اللى اتهميألى معاك لاقيتها
كانت أجمل حاجة فى عمري اتمنيتهها
انسى ان انا هتمنى رجوعك بعد ما قلبى طفا شموعك

عودوني

عشت عمري قبل منك يوم
واما جيتلي تاني عشته كله في يوم

عودوني عودوني عليك أحبك عودوني
عودوني وعلموني هواك

قلب واحد الي حاسس بيبك
هو قلب العاشق الي دايب فيك

عودوني عودوني عليك أحبك عودوني
عودوني وعلموني هواك

مش بخاطري مش لاقيلي حلول
غصب عني عيوني عودتني أقول

عودوني عودوني عليك أحبك عودوني
عودوني وعلموني هواك

خلصت فيك كل الكلام

خلصت فيك كل الكلام يا معلم القلب الغرام
خلصت فيك كل الكلام يا معلم القلب الغرام
قلبك ناداني رجعني ثاني دوب حنائي في هواك
قلبك ناداني رجعني ثاني دوب حنائي في هواك
خلصت فيك كل الكلام يا معلم القلب الغرام خلت فيك كل الكلام يا معلم القلب الغرام
حببت ملامحك كلها
من نظرة واحدة شفتها
حببت ملامحك كلها من نظرة واحدة شفتها
عمري بهواك ابتدى
يا نسمة زي الندى
يا أحلى غنوة قلتها
خلصت فيك كل الكلام يا معلم القلب الغرام خلت فيك كل الكلام يا معلم القلب الغرام
حسيت بحبك قلتها
وسمعت منك ردها
حسيت بحبك قلتها وسمعت منك ردها
شوقي الي قلبي مصدقه
هو الي قلبك صدقه
يا أحلى غنوة قلتها
خلصت فيك كل الكلام يا معلم القلب الغرام

ملك إيديك

ملك ايديك أسهر ليك
عمري وروحي فدا لعينيك
حتى سنيني شوقي حنيني
هو في حاجة بتغلى عليك
قالوا اختار بين الجنة ونار اخترت أنا نارك
دا الي بيهوى وقلبه يرق لازم يختارك
صوتك صورتك ضحكك سيرتك هما هوايا
هيا حياقي تبقى حياقي غير وأنت معايا
انت اديت لحياقي معاني خدت قلبي لعالم تاني
قالوا اختار بين الجنة ونار اخترت أنا نارك
دا الي بيهوى وقلبه يرق لازم يختارك
ياما قلوب وعيون شغلتنني وأما قابلتك
هيا يادوب نظرة وسحرتني لقتني بحبك
قبل ما أشوفك كان في خيالي
كل ملامحك والله يا غالي
قالوا اختار بين الجنة ونار اخترت أنا نارك
دا الي بيهوى وقلبه يرق لازم يختارك
ملك ايديك أسهر ليك
عمري وروحي فدا لعينيك

الملاك البريء

آدي الملاك البريء أبو قلب طيب قوي
آدي الي كان كل شيء كسرلي قلبي القوي
كان ليلى كان قمري كان روجي كان عمري
سلمتله أمري واحنا في نص الطريق
قلبه عليا قوي

آدي الي على الحب وعدني
وكان حالف ما يفارق حضني
آدي أعز وأغلى ما ليا الي أحن من الدنيا عليا
الي معندوش قلب وضمير

آدي الي كان طول الزمن من نبعنا بيرتوي
وآدي الملاك البريء أبو قلب طيب قوي
آدي الي كان كل شيء كسرلي قلبي القوي
آدي يا قلبي وآدي يا عيني حبيب عمري الي اديته سنيني
آدي الى أنا ندمان على حبه على الشوق الي سقيته لقلبه
على كل حياتنا سوا

آدي الي كان طول الزمن من نبعنا بيرتوي
وآدي الملاك البريء أبو قلب طيب قوي
آدي الي كان كل شيء كسرلي قلبي القوي
كان ليلى كان قمري كان روجي كان عمري
سلمتله أمري واحنا في نص الطريق
قلبه عليا قوي

الفراق نار

الفراق ده نار والبعد ده نار
انت يالي بحبك بحبك انت يالي حبيبي
انت يالي واحشنى واحشنى انت يالي نصيبي

ده الفراق ده نار والبعد ده نار
انت يالي بحبك بحبك انت يالي حبيبي

يالي قلبي اشتاقلك وانت كل زماني
انت فين بندهلك مش هنبعد تاني

ده الفراق ده نار والبعد ده نار
انت يالي بحبك بحبك انت يالي حبيبي

مش هصدق بعدك أي قلب ندالي
يالي قلبي في بعدك تاه بقاله ليالي

ده الفراق ده نار والبعد ده نار
انت يالي بحبك بحبك انت يالي حبيبي
انت يالي واحشنى واحشنى انت يالي نصيبي

وغلاوتك

وغلاوتك وحلاوتك
والشوق الي مالوهش حدود
بصراحة بكل صراحة
أنا مغرم بعينيكي السود
قلبي المفتون مجنون بيكي
آه يا أول غنوة بغنيكي
من قلبي لقلبك طوالي
وآدى شوقى الهايم حواليلي
وغلاوتك وحلاوتك

والشوق الي مالوهش حدود
بصراحة بكل صراحة
أنا مغرم بعينيكي السود
بحلم وبقول على طول روحي
يا هنايا ويا فرحة روحي
بوهيلك عمري واحساسى
وبسر هوانا اوعى تبوحى
وغلاوتك وحلاوتك

والشوق الي مالوهش حدود
بصراحة بكل صراحة
أنا مغرم بعينيكي السود

يالياي

يا لياي العمر مكنتش داري

باللي جرافي مكنتش داري

باللي جرافي لياي لياي

من بين كل الدنيا خدتني عينيك ودتني لحلم بعيد

بعد ما جيت وكتبت لقلبي بحبك ثاني عمر جديد

خليتني أحب الدنيا وأعيش من ثاني حلم جديد

يا لياي العمر مكنتش داري

باللي جرافي مكنتش داري

باللي جرافي لياي لياي

أنا دلوقتي بعيش في حياتي أجمل قصة حب جديد

فرحة قلبي بحبك فرحة طفل بيحلم ليلة العيد

خليتني أحب الدنيا وأعيش من ثاني حلم جديد

يا لياي العمر مكنتش داري

باللي جرافي مكنتش داري

باللي جرافي لياي لياي

ناري

ناري ناري والحنين في القلب نار
ناري ناري والبعد والشوق مرار

يا حبيبة والله زينة دى العيون
يا حبيبة عمري علشانك يهون
حتى قلبي بيناديكي ليل نهار

ناري ناري والحنين في القلب نار
ناري ناري والبعد والشوق مرار

قلبي خدني وراح بعيد واتولدك من جديد
كل كلمة قلتها أنا عشتها رددتها وفضلت أعيد

يا حبيبة والله زينة دى العيون
يا حبيبة عمري علشانك يهون
حتى قلبي بيناديكي ليل نهار

ناري ناري والحنين في القلب نار
ناري ناري والبعد والشوق مرار

مهما أقولك قلبي داب وان في بعادك عذاب
يا حبيبتي اشتقتك وندهتلك وبعثتك قلبي في جواب

يا حبيبة والله زينة دى العيون
يا حبيبة عمري علشانك يهون
حتى قلبي بيناديكي ليل نهار

ناري ناري والحنين في القلب نار
ناري ناري والبعد والشوق مرار

قمرين

والله ما كان على بالي يا هوا
والله ما كان على بالي يا هوا
قمرين، قمرين دول ولا عينيك
قلبي بيسألني عليك أتايني بفكر فيك

يا قلبي يانا من حبه يانا
يا شوق أمانة تملى الليالي غرام
أهين يا عمري يا كل عمري
سلمته أمري وعينيك قالت لي كلام

والله ما كان على بالي يا هوا
والله ما كان على بالي يا هوا
قمرين، قمرين دول ولا عينيك
قلبي بيسألني عليك أتايني بفكر فيك

طال انشغالي وياك ياغالي
وأنا ايه جوالي خلاني أدوب في هواك
اشمعنى انت حبيتك انت
ازاي وامتى شغلت روجي معاك

والله ما كان على بالي يا هوا
والله ما كان على بالي يا هوا
قمرين، قمرين دول ولا عينيك
قلبي ببسألني عليك أتايني بفكر فيك

*** **

أنا..

أنا يموت في حبك أنا
أنا بشوف عينيك المنة يا كل أحلامي
وأنا يموت في حبك أنا
أنا بشوف عينيك المنة يا كل أحلامي

بين ايديك أنا يا حبيبي يا حبيبي أنا بين ايديك
انت أكثر قلب عارف أد ايه أنا دوت فيك
بين ايديك أنا يا حبيبي يا حبيبي أنا بين ايديك
انت أكثر قلب عارف أد ايه أنا دوت فيك

وأنا يموت في حبك أنا
أنا بشوف عينيك المنة يا كل أحلامي

كل دقة شايها قلبي يا حبيبي شايها ليك
ذكرياتي سنين حياتي تسوى ايه من غير عنيك
كل دقة شايها قلبي يا حبيبي شايها ليك
ذكرياتي سنين حياتي تسوى ايه من غير عنيك

وأنا بموت في حبك أنا
أنا بشوف عينيك المننا يا كل أحلامي
وأنا بموت في حبك أنا
أنا بشوف عينيك المننا يا كل أحلامي

قلبي

قلبي قلبي متعلق بيكي

وأنا سهران بناديكي

سايباني لوحدي ليه

يا أُملي

أُملي اللي بحلم بيه شايف عيونك فيه

العمر ايه معانيه العمر ليلة

قلبي الوحيد بلاقيه انتي الوحيدة فيه

انتلي اللي دوبيته بين يوم وليلة

قلبي العاشق قدامك

لو بصيتي لقدامك

هتلاقي روعي فيه

يا أُملي

أُملي الوحيد بناديه انتي الوحيد فيه

انتلي اللي دوبيته بين يوم وليلة

أُملي اللي بحلم بيه شايف عيونك فيه

العمر ايه معانيه العمر ليلة

*** **

أنا بأحبك أكثر

أنا بحبك أكثر شوقي في قلبي بيكبر

والنبي قلبي ما يقدر في غيرك يفكر

ela kai horepse mazi mou

eisai semadi sti psyhi mou

ola yia parti mou kafta

spasta kai spasta

على راحتك قول يا حبيبي واحلفلي بحبك ليا

صدقت ان انت نصيبي وسعادي وهنا لياليا

ana ba7ebak aktar

eisai semadi sti psyhi mou

ola yia parti mou kafta

spasta kai spasta

مهما تفكر فيا أنا أكثر بشوية

حبك غالي عليا لا يمكن يتقدر

هنعيش أنا وانت يا عمري يوم حب ويوم حنيه

من أول لحظة في عمري وأنا عارف انك ليا

ana ba7ebak aktar

eisai semadi sti psyhi mou

ola yia parti mou kafta

spasta kai spasta

وأنا بحبك أكثر شوقي في قلبي بيكبر

wana kaman

والنبي قلبي ما يقدر في غيرك يفكر

*** **

بتوحشني

لو كنت قادر ع البعاد

أنا مش قادر عليه

بتوحشني بتوحشني آه آه

حبيبي بحبك بروحي بقلبي بعقلي

ياللي ياللي ياللي معندكش قلب

بتوحشني بتوحشني آه آه

أيام وأنا بيك مشغول

مشتاق لعينيك على طول

تسبقني عيني ليك يا عيني

وقلبي معاك يقول

بتوحشني بتوحشني آه آه

حبيبي بحبك بروحي بقلبي بعقلي

ياللي ياللي ياللي معندكش قلب

بتوحشني بتوحشني آه آه

يا حبيبي ازاي أنساك
دا أنا روحي تروح وياك
الشوق تعبني وقلبي سابني
سابني وراح معاك
بتوحشني بتوحشني آه آه

حبيبي بحبك بروحي بقلبي بعقلي
ياللي ياللي ياللي معندكش قلب
بتوحشني بتوحشني آه آه

ولسه بتحبه

ولسه بتحبه يا قلبي يا قلبي حرام عليك
ازاي تأمن له تاني بعد اللي عمله فيك
هو أنت فاكله ايه هتبكي في يوم عليه
ما تقولي فاكله ايه هتبكي في يوم عليه
مش ده اللي كان معاك
وكان هواه هواك وتاني يوم نسيك

ولسه بتحبه يا قلبي يا قلبي حرام عليك
ازاي تأمن له تاني بعد اللي عمله فيك

ياريت يا قلبي ما كنت قلبي
مادام ظالمني وياك ليالي
ياريتنا نسي ليه فاكله لسه
دا حبيبنا خاين ومالهوش غالي

هو أنت فاكله ايه هتبكي في يوم عليه
ما تقولي فاكله ايه هتبكي في يوم عليه
مش ده اللي كان معاك
وكان هواه هواك وتاني يوم نسيك

ولسه بتحبه يا قلبي يا قلبي حرام عليك
ازاي تأمن له تاني بعد اللي عمله فيك

بعدنا عنه وقاسينا منه
يا قلبي سيبه يختار جراحه
مالك وماله أهو راح لحاله
وراح يا قلبي زي اللي راحوا

هو أنت فاكله ايه هتبكي في يوم عليه
ما تقولي فاكله ايه هتبكي في يوم عليه
مش ده اللي كان معاك
وكان هواه هواك وتاني يوم نسيك

ولسه بتحبه يا قلبي يا قلبي حرام عليك
ازاي تأمن له تاني بعد اللي عمله فيك

حكايتي

حكاياتي الي أنا عشتها كلها تشبه بعضها
أولها غرام وتانيها أيام أنا بفرح بيها
وآخرها زيتها زي غيرها

بدايتها سؤال وكلام في عيون مليون حيرة
وحقيقة وحب وشوق وحاجات تانية كتيره
وآخرها زيتها زي غيرها

أولها غرام وتانيها أيام أنا بفرح بيها
أولها غرام وتانيها أيام أنا بفرح بيها
حكاياتي الي أنا عشتها كلها تشبه بعضها

كل الحكايات الي احنا يا قلبي قابلناها
طلعت أوهام وياريتنا ما كنا حلمناها
وآخرها زيتها زي غيرها

أولها غرام وتانيها أيام أنا بفرح بيها
أولها غرام وتانيها أيام أنا بفرح بيها
حكاياتي الي أنا عشتها كلها تشبه بعضها

خليك فاكرني

خليك فاكرني

يا اللى بجمالك وبعيونك دول آسرني

خليك فاكرني

وان حس قلبك يوم بقلبي ابقى زورني

دا انت ف عينيا كل اللي ليا

فرحة شبائي والدنيا ديا

أول ماشفتك

لمست قلبي بنظرة واحدة نسيت جراحه

لقيتك انت أجمل حكاية حب نستني اللي راحوا

ما تغيبش عني

وخلي قلبك لو ناديته يجيلي تاني

ده احنا اللي بينا الحب كله وعمري مر معاك ثواني

دا انت ف عينيا كل اللي ليا

فرحة شبائي والدنيا ديا

خليك فاكرني

يا اللى بجمالك وبعيونك دول آسرني

خليك فاكرني

وان حس قلبك يوم بقلبي ابقى زورني

العالم الله

العالم الله قد إيه
قلبي وروحي دابوا فيه
ده اللي عيونه دوبوني والله
الله الله الله الله الله الله
بالي بيا يعلم الله
والله و دبت فيك
وخذتني بحور عينيك
سلمت القلب ليك
من غير ازاي وليه
ده اللي عيونه دوبوني والله
الله الله الله الله الله الله
بالي بيا يعلم الله
هوا الحب إيه
غير نظرة من عينيه
غير لمسه من ايديه
غير قلب تخاف عليه
ده اللي عيونه دوبوني والله
الله الله الله الله الله الله
بالي بيا يعلم الله

تملي معاك

تملي معاك ولو حتى بعيد عني في قلبي هواك
تملي معاك تمللي في بالي وفي قلبي ولا بنساک
تملي واحشني لو حتى بكون وياك

تملي حبيبي بشتاقلك تمللي عنيا تندهلك
ولو حواليا كل الكون بكون يا حبيبي محتاجلك

تملي معاك معاك قلبي معاك روحي يا أغلى حبيب
يا أغلى حبيب ومهما تكون بعيد عني لقلبي قريب
يا عمرى الجاي والحاضر يا احلى نصيب

تملي معاك معاك قلبي معاك عمري يا اغلى حبيب
يا اغلى حبيب ومهما تكون بعيد عني لقلبي قريب
يا عمرى الجاي والحاضر يا احلى نصيب

تملي حبيبي بشتاقلك تمللي عنيا تندهلك
ولو حواليا كل الكون بكون يا حبيبي محتاجلك

كدة عيني... عينك

تملي معاك ولو حتى بعيد عني في قلبي هواك
تملي معاك تملي في بالي وفي قلبي ولا بنساک
تملي واحشني لو حتى بكون وياك

تملي حبيبي بشتاقلك تملي عنيا تندهلك
ولو حواليا كل الكون بكون يا حبيبي محتاجلك

تملي معاك معاك قلبي معاك روحي يا أغلى حبيب
يا أغلى حبيب ومهما تكون بعيد عني لقلبي قريب
يا عمرى الجاي والحاضر يا احلى نصيب

تملي معاك معاك قلبي معاك عمري يا اغلى حبيب
يا اغلى حبيب ومهما تكون بعيد عني لقلبي قريب
يا عمرى الجاي والحاضر يا احلى نصيب

تملي حبيبي بشتاقلك تملي عنيا تندهلك
ولو حواليا كل الكون بكون يا حبيبي محتاجلك

سنين

كل يوم بيعدي تزيد غلاوتك عندي
و أشتاقلك و أحبك
تسوى إيه الدنيا مهما كانت حلوه
في ثانيه أعيشها جنبك

سنين، سنين عايش في حبك سنين
ملقتش زي قلبك حنين وعنيك الفرحانين

لما تبقى معايا بنسى فيك دنيايا
و بتفضل في بالي
حتى لو مش جنبي
برده ساكن قلبي ومنور سمايا

سنين، سنين عايش في حبك سنين
ملقتش زي قلبك حنين وعنيك الفرحانين

*** **

وهي عاملة إيه دلوقت ؟

و هي عامله إيه دلوقت ومين هون عليها الوقت

قولولي لو في صالحها أروحلها و أصلحها

ظالمها وقلبي جارحها، أجيلها ولا مش دلوقت

أكيد ساكته ولا بتحكي ولا بتشكي ولا بتبكي

عارفها تبقى مجروحه و مظلومه ولا تبين

و لو نزلت دموع منها بيبقى الجرح مش هين

قولولي لو في صالحها أشوفها ازاي وأصلحها

قولولي لو في صالحها أروحلها و أصلحها

ظالمها وقلبي جارحها، أجيلها ولا مش دلوقت

و هي عامله إيه دلوقت ومين هون عليها الوقت

أكيد مشاعرها مكسوره و لو نسييتني معذوره

أنا اللي جرحت احساسها قولولها اتطمنى أرتاحي

و ليه تقولولها لأ هيا أكيد بتحس بجراحي

قولولي لو في صالحها أشوفها ازاي وأصلحها

قولولي لو في صالحها أروحلها و أصلحها

ظالمها وقلبي جارحها، أجيلها ولا مش دلوقت

و هي عامله إيه دلوقت ومين هون عليها الوقت

أعمل إيه

أعمل إيه في الي أنا حبيته والي القلب أختاره
والي معاه من يوم ما لقيته جنة قلبي وناره
والله و آدي حال الدنيا والله بنحب في ثانية
والي بنحبه يا قلبي روحنا ملك أيديه

ولا بأديه ولا كان بأيديا الحب و أشواقه
لما عنيه ندهت لعنيا قلبي و قلبه أتلاقوا
والله و آدي حال الدنيا والله بنحب في ثانية
والي بنحبه يا قلبي روحنا ملك أيديه

آدي الشوق و آدي الي جراللي م الحب وأيامه
أنا حبيت و سهرت ليالي أنا صدقت كلامه
والله آدي حال الدنيا والله بنحب في ثانية
والي بنحبه يا قلبي روحنا ملك أيديه

*** **

لو كان يرضيك

لو كان يرضيك تفضل كده قدامي خلاص خليك
لو كان يرضيك تهون عليك أحلامي ما تهون عليك

عايز تسبب صورتك كده سييها
وتعالى على نفسك وعذبها
بس أبقى قوللي اللي أنت فيه
دا نهايته إيه حرام عليك

أنا مش هقولك حاجه مش هلومك مش هعاتبك
خليك كده يا حبيبي عايش لوحده داوي جرحك بالعذاب

عايز تسبب صورتك كده سييها
وتعالى على نفسك وعذبها
بس أبقى قوللي اللي أنت فيه
دا نهايته إيه حرام عليك

أنت خلاص يا حبيبي مش حبيبي ولا ملاكي
والله ألف خساره ع اللي كان زي الملاك أيام زمان

عايز تسيب صورتك كده سييها
وتعالى على نفسك وعذبها
بس أبقى قوللي الي أنت فيه
دا نهايته إيه حرام عليك

لو كان يرضيك تفضل كده قدامي خلاص خليك
لو كان يرضيك تهون عليك أحلامي ما تهون عليك

بأعترف

بعترف قدام عينيك
م النهارده أنا عمري ليك
سبني أحبك يا حبيبي
وأنسى روعي بين أيديك

هو دا اللي حلمت بيه ضحكته نظرة عينيه
يا حبيبي و أنت جنبي تفتكر أنا هعمل إيه
هو دا اللي حلمت بيه هو دا اللي حلمت بيه

يا حبيب قلبي الوحيد
هات أيديك نبعد بعيد
كل ما عيونك تاخدني
يتولد أحساس جديد

هو دا اللي حلمت بيه ضحكته نظرة عينيه
يا حبيبي و أنت جنبي تفتكر أنا هعمل إيه
هو دا اللي حلمت بيه هو دا اللي حلمت بيه

صعبان عليا

صعبان عليا يا غالي من الي عملته فيا
لا تلوم عليا يا غالي أنت الي جنيت عليا

آه بعترف اني هويتك و أنت الي مليت عينيا
ظلمت روحي وحببتك و كنت الدنيا ليا
سبني لحالي سبني لحالي و متصعبهاش عليا

كل الي بينا يا غالي مش راح تنساه عينيا
لا تلوم على قلبك يا غالي دمعك عزيز عليا

صدقك حبك يا حياتي حببت خوفك عليا
نظرة عينيك ويا أهاتي لمسة ايديا
روح و أنساني روح و أنساني ومتصعبهاش عليا

صعبان عليا يا غالي من الي عملته فيا
لا تلوم عليا يا غالي أنت الي جنيت عليا

كل الي بينا يا غالي مش راح تنساه عينيا
لا تلوم على قلبك يا غالي دمعك عزيز عليا

ولا علي باله

حبيبي ولا على باله شوقي اليه
وانا شاغل بالي انادي عليه
وليالي كثير أفكر فيه وأحن اليه ولا داري
كفاية انه بقاله ليلة ويوم
على طول في خيالي ومفيش نوم
وليالي كثير أفكر فيه وأحن اليه ولا داري
عيونه فيها كلام في ليل خلاب
ملا قلبي غرام في أحلى عذاب
وليالي كثير أفكر فيه وأحن اليه ولا داري

Dance to the beat with the rhythm of the Nile

Egyptian sounds from the land of the Nile

Dance to the beat, With the dance to the beat

With the dance with the dance to the land of the Nile

Mystical, magical, and original sound

Amr Diab's remix, so gather around

Three, two, one , let's dance

حبيبي ولا على باله شوقي اليه
وانا شاغل بالي انادي عليه
وليالي كثير أفكر فيه وأحن اليه ولا داري

أكثر واحد بيجبك

خلاص بقى بيتكلم يرحم زمن السكوت
كبر قوام واتعلم وخلص طلعله صوت
كان طيب كان حنين أثاره كداب كبير
مش زي ما كان مبین ده خدعنا سنين كتير
خدعنا واحده واحده

وجرحنا مره واحده واتعلم فوق يطير
خلاص بقى بيتكلم يرحم زمن السكوت
كبر قوام واتعلم وخلص طلعله صوت
لو يفتكر زمان آه زمان آه كان هو إيه
كان عايش بين إیدینا وحنین علیه
كان طيب كان حنين أثاره كداب كبير
مش زي ما كان مبین ده خدعنا سنين كتير
غلطه وعدت خلاص آه خلاص آه هنعمل إيه
مش كل الناس بريئه في الدنيا فيه وفيه
كان طيب كان حنين أثاره كداب كبير
مش زي ما كان مبین ده خدعنا سنين كتير
خدعنا واحده واحده

وجرحنا مره واحده واتعلم فوق يطير

بعد الليالي

اه بعد الليالي والايام من شوقي اليك
والله ازاي يهون عليك كل شئ في البعد
اه بشتاقلك يا غالى انت فين بنده عليك
والله وحشوني كثير عنيك معقول نسيت الوعد
بان حبي ليك في سنين بعاد وغياب
وهان قلبي عليك ترميه بين نار وعذاب
ارجع ليا خلاص مش قادر حبيبي
رد بأي كلام لو قادر حبيبي
والله بحبه وهفضل احبه حبيبي
قرب خلي لبعذك آخر حبيبي
اه بعد الليالي والايام من شوقي اليك
والله ازاي يهون عليك كل شئ في البعد
فات اد ايه ولا يوم قدرت انساك
وليه الدنيا ليه يا حبيبي بعيد واخداك
انا مش قادر على نسيانك حبيبي
مين في الدنيا هيملى مكانك حبيبي
والله بحبه وهفضل احبه حبيبي
نفسى ارتاح بين احضانك حبيبي
اه بعد الليالي والايام من شوقي اليك
والله ازاي يهون عليك كل شئ في البعد

قلت إيه

قبل الوداع قرب هنا قرب تعالى ضمني
خليك شوية في حضني حاول تفتكر
من كام سنة انت وانا مع بعضنا وبتحبني
خليك معايا في حضني حاول تفتكر
مين اللي قالك اني بعثك
وانت ليه صدقته ليه
والله حبك كل عمري قلت ايه
استنى ماتسيينيش كده الوقت ليه نستعجله
يمكن تحن لأبي ذكرى في حبنا
ازاي هتنسى الحزن ده وانت اللي ياما اشتقتله
قرب كمان عمرك واحلامك هنا
مين اللي قالك اني بعثك
وانت ليه صدقته ليه
والله حبك كل عمري قلت ايه
قبل الوداع قرب هنا قرب تعالى ضمني
خليك شوية في حضني حاول تفتكر
من كام سنة انت وانا مع بعضنا وبتحبني
خليك معايا في حضني حاول تفتكر

ولا ليله

ولا ليله ولا أجمل من دي ليله
بين ايديا حبيبي بعد سنين طويله
دا حبيبي ولا أغلى من حبيبي
والنهارده مع القمر دا مالي حيله
ولا ليله ولا أجمل من دي ليله
بين ايديا حبيبي بعد سنين طويله

كلمه واحده سمعتها نور سنييني
اعمل ايه في كلامه سحر بيناديني
الجمال دا احلى من احلى صورة
عمري والله ماشفت زيه ف يوم بعيني
ولا ليله ولا أجمل من دي ليله
بين ايديا حبيبي بعد سنين طويله

هى دي نفس العيون الي في خيالي
الشفاف احلى م الي كان في بالي
ابتسامته ضحكته صوته وسكوته
كل حاجه في حبيبي ومكتوبالي
ولا ليله ولا أجمل من دي ليله
بين ايديا حبيبي بعد سنين طويله

ولا ليله ولا أجمل من دي ليله
بين ايديا حبيبي بعد سنين طويله
دا حبيبي ولا أغلى من حبيبي
والنهارده مع القمر دا مالي حيله
ولا ليله ولا أجمل من دي ليله
بين ايديا حبيبي بعد سنين طويله

أديني رجعتك

ناديتي بشوق ناديت قولتيلي تعالى جيت
لا هعاتبك ع الي فات ولا حتى هلوم عليكي
أديني رجعتك أديني بين إديكي
كفايه دموع بقى مش عارف أشوف عنيكي

وقوليلهم مش ندهاني هو الي وحشته و جاني
ده أنا مهما هيحصل بينا مش هبعد عنك تاني
ناديتي بشوق ناديت قولتيلي تعالى جيت
لا هعاتبك ع الي فات ولا حتى هلوم عليكي

قولي لقلبك يسمعي مش دمعه الي مرجعني
من غير ما تنادي و تبكي الشوق كان هيرجعني
ناديتي بشوق ناديت قولتيلي تعالى جيت
لا هعاتبك ع الي فات ولا حتى هلوم عليكي

مشتاق لضحككتك يا أجمل ذكرياتي
خديني لجنتك يا أغلى من حياتي

أديني رجعتك أديني بين إديكي
كفايه دموع بقى مش عارف أشوف عنيكي

صدقني

صدقني خلاص من بين الناس

حببتك واخترتك ليا

طول ما انا وياك قدامي ملاك

خليتني ما اغمضش عنيا

الله يا سلام في عنيك احلى كلام

قرب مني شويه شويه قلبي وقلبك سوا يتلاقوا

الدنيا انت مليتها عليا دا الحب اللي ماحدش داقه

قرب مني شويه شويه اد ما تقدر قرب تاني

الدنيا انت مليتها عليا وكانك مخلوق علشاني

يا أرق الناس في عنيك احساس

بياخذني معاه انسى الدنيا

ضمني بايديك لو غالي عليك

ما تضيعش ياريت ولا ثانيه

الله يا سلام في عنيك احلى كلام

قرب مني شويه شويه قلبي وقلبك سوا يتلاقوا
الدنيا انت مليتها عليا دا الحب الي ماحدش داقه
قرب مني شويه شويه اد ما تقدر قرب تاني
الدنيا انت مليتها عليا وكانك مخلوق علشاني

حبيبي قرب مني شويه شويه
حبيبي قلبي وقلبك سوا يتلاقوا
انا محتاجلك تفضل جنبي آه حبيبي

أحبك اكرهك

أحبك اكرهك اسيبك اندهك
أعلق نفسي بيكي ولا اعمل فيكي ايه
اضمك ابعدك اخونك اوعدك
غريب احساس بيكي مش مطمئله ليه

احساسى ده ممكن يهد جبال يضيع
بين حبي ليكي وكرهى ليكي خيط رفيع
لا القرب مرتاحله ولا البعاد اقدر عليه

أحبك اكرهك اسيبك اندهك
أعلق نفسي بيكي ولا اعمل فيكي ايه
اضمك ابعدك اخونك اوعدك
غريب احساس بيكي مش مطمئله ليه

حاجات غريبه بحسها وانا بين ايديكي
كثير بخاف منك و كثير بخاف عليكي
لا القرب مرتاحله ولا البعاد اقدر عليه

احبك اكرهك اسيبك اندهك
أعلق نفسى بيكي ولا اعمل فيكي ايه
اضمك ابعدك اخونك اوعدك
غريب احساسى بيكي مش مطمئله ليه

يا حبيبي لا

معقول هقولك روح من غير ما اكون مجروح
ولا باقي على حاجه لا دا انت مش عارف
معقول تصدق ابيع من غير ما اتوه ولا اضيع
ولا أخافشي من حاجه لا دانت مش عارف

بعدك هحس بهين معقولة حب سنين
يخلص في غمضة عين يا حبيبي لا
لالالا لا وألف لا دا انا قلبي بعد غيابك تاه
لو بالكلام ننسى الآلام
دا ماكانشي قال ولا عاشق آه

معقول حبيبي مشيت معقول فاكرني نسيت
لو قلبي قال حاجه من جرحه قالها لك
دا انا لما كنت بقول بقصد كلامي يطول
يمكن تقول حاجه اسمعها أصفالك

بعدك همس همين معقولة حب سنين
يخلص في غمضة عين يا حبيبي لا
لالالا لا وألف لا دا انا قلبي بعد غيابك تاه
لو بالكلام ننسى الآلام
دا ماكانشي قال ولا عاشق آه

لالالا لا وألف لا دا انا قلبي بعد غيابك تاه
لو بالكلام ننسى الآلام
دا ماكانشي قال ولا عاشق آه

علم قلبي

يا حبيبي وأنت جانبي أحلم وأتمنى أياه
ما خلاص الحلم جمبي وعيوني دايمة فيه
قرب مني كمان قربك هو الأمان
بناديلك من زمان تعالى ضمني
علم قلبي الغرام كلمني أحلى الكلام
عيش معايا في الأحلام
يا حبيبي حبني

صدقني وأنت غايب بين لهفة وإشتياق
بتعلم الحبايب ينسوا بكلمة فراق
يا حبيبي يا ملاك بنسى الدنيا معاك
وآجي لدنيا هواك أول ما تضمني
علم قلبي الغرام كلمني أحلى الكلام
عيش معايا في الأحلام
يا حبيبي حبني

يا حبيبي أنا كلي ليك
عاشقك وأنا بين إيديك
ولا شيء يغلى عليك لو بس تضمني
علم قلبي الغرام كلمني أحلى الكلام
عيش معايا في الأحلام
يا حبيبي حبني

كلهم

كلهم يقولوا كده في الاول

والكلام الحلو بيتحول

البراءة والحنان واللي ياما اتقال زمان

كل دا دلوقتي بان كل ما الايام تطول

كلهم يقولوا كده في الاول

والكلام الحلو بيتحول

الكلام سهل وكثير بس ايه بييجرى بعده

في الهوا أوام يطير يبقى كله زي بعضه

ناس صحيح مالهاش أمان

البراءة والحنان واللي ياما اتقال زمان

كل دا دلوقتي بان كل ما الايام تطول

كلهم يقولوا كده في الاول

والكلام الحلو بيتحول

كله في الاول وعود واما يوصل للي عايزه

قسوته مالهاش حدود صعب أي عتاب يهزه

ناس صحيح مالهاش أمان

البراءة والحنان واللي ياما اتقال زمان

كل دا دلوقتي بان كل ما الايام تطول

كلهم يقولوا كده في الاول

والكلام الحلو بيتحول

علم قلبي الغرام

يا حبيبي وأنت جانبي أحلم وأتمنى أياه
ما خلاص الحلم جمبي وعيوني دايبة فيه
قرب مني كمان قربك هو الأمان
بناديلك من زمان تعالى ضمني
علم قلبي الغرام كلمني أحلى الكلام
عيش معايا في الأحلام
يا حبيبي حبني

صدقني وأنت غايب بين لهفة وإشتياق
بتعلم الحبايب ينسوا بكلمة فراق
يا حبيبي يا ملاك بنسى الدنيا معاك
وآجي لدنيا هواك أول ما تضمني
علم قلبي الغرام كلمني أحلى الكلام
عيش معايا في الأحلام
يا حبيبي حبني

يا حبيبي أنا كلي ليك
عاشقك وأنا بين إيديك
ولا شيء يغلى عليك لو بس تضمني
علم قلبي الغرام كلمني أحلى الكلام
عيش معايا في الأحلام
يا حبيبي حبني

يا كنزي

يا كنزي وكل ما ليا حياة قلبي ونور عيني

جمال الدنيا في عنيا جمال الدنيا في عنيا

عشقته ولما كلمني

بحنية نده ليا بقولة آه تجنني

حبيبي معاه حياي وكل احلامي

وعايش ليه بعمرى وكل ايامي

عشقته ولما كلمني بحنية نده ليا

بقولة آه تجنني آه تجنني

عيونه وهيا بتسلم بتتكلم وتسحرني

والاقي كلامها يشغلني بلاقي كلامها يشغلني

حياي ودنيتي وعمرى نده قلبي

ملك امري يا نور الدنيا يا قمري

حبيبي معاه حياي وكل احلامي

وعايش ليه بعمرى وكل ايامي

عشقته ولما كلمني بحنية نده ليا

بقولة آه تجنني آه تجنني

تقدر تتكلم

تقدر تتكلم عن روحك يا حبيبي خلاص

ما بقينا اتنين

طول عمرنا عايشين روح واحدة

دلوقتي خلاص بقينا روحين

آه واهو بكرة نقول كانت ذكرى و عشالنا يومين

واهو بكرة نقول كانت ذكرى و عشالنا يومين

غيرت مشاعري واحساسى

خلتني اعيش جمبك وبعيد

بتحمل قربك وبقاسى

ومشيت وياك ورجعت وحيد

واهو بكرة نقول كانت ذكرى و عشالنا يومين

واهو بكرة نقول كانت ذكرى و عشالنا يومين

تقدر تتكلم عن روحك يا حبيبي خلاص

ما بقينا اتنين

طول عمرنا عايشين روح واحدة

دلوقتي خلاص بقينا روحين

واهو بكرة نقول كانت ذكرى و عشالنا يومين

واهو بكرة نقول كانت ذكرى و عشالنا يومين

لو عشقاني

كلمات: بهاء الدين محمد

لو عشقاني كلام ثاني

كلام مقدرش يا قلبي عليه

حلم يا قلبي و عشناه

لو حتى قالت لك آه

دايبه في حبه وعشقه

اسأل ثاني

جواها شوق ولا

كل الي أنا فيه ده خيال

قولي أفوق ولا

كل الي أنا سامعه اتقال

لو عشقاني كلام ثاني

كلام في الحلم بقاله سنين

لو عشقاني كلام ثاني

ولو صدقته أقوله لمين

عشت يا قلبي الأيام

وأنت في أجمل أحلام

اياك ترسم أوهام

اسأل ثاني

حبیبی یا عمری

حبیبی یا عمری انا کلی جراح

لو کنت حبیبک سببی ارتاح

حبیبی یا عمری انا کلی جراح

لو کنت حبیبک سببی ارتاح

انا رایح فین؟ انا راجع تانی

انا مش هنساک ولا قلت انسانی

لو یوم حسیت بغیری

لو یوم حنیت لغیری

صدقنی مش هلومک

لو قابلک حب تانی

انا رایح فین؟ انا راجع تانی

انا مش هنساک ولا قلت انسانی

أنت مقلتش ليه

أنت ماقولتش ليه من الأول
أن هواك يا حبيبي كده
وأنا قال فاكركه حلم وطول
بقى معقول بتحب كده
لو كل حبيب له حبيب ودا حاله
كان جاله كده وغنى
ليل ياليل ياليل ياليل يا
ليل ياليل ياليل ياليل يا
كلك حيرة وشاغل بالك
قول وارتاح واشغلي هوا
دا اللي يقابله حبيب في جمالك
أي جراح يلاقيها دوا
لو كل حبيب له حبيب ودا حاله
كان جاله كده وغنى
ليل ياليل ياليل ياليل يا
ليل ياليل ياليل ياليل يا
هفضل أحبك أحبك أحبك
ولا عمري هقول على فين يا هوى
هو أنا أحلامي في دنية حبك

كان قلبي يطول نحلماً سوا
لو كل حبيب له حبيب ودا حاله
كان جاله كده وغنى
ليل ياليل ياليل ياليل يا
ليل ياليل ياليل ياليل يا

نغمات

عمرو دياب أكثر واحد

3*8 4 39 2 1 7** 69 6 3* 288 3 2 1# 299 08 288 3 29 1 7** 6 59 5 2* 188 2 1 7** 1*99 08
18 7** 1* 2 1 7** 6 5 6 7 6 68 7 6 5 69 58 6 79 6 5 4 6 5 4 3 2 5 4 3 38 4 3 2 399

صدقني خلاص

6 1* 3 28 3 2 1 7** 6 799 58 7 2* 18 2 1 7** 6 5 699 48 6 1* 7** 6 58 4 58 6 5 4 3999 08 68 1* 3 28 3 2
1 7** 6 799 58 7 2* 18 2 1 7** 6 5 699 48 6 1* 7** 6 58 4 58 6 5 4 3999 08 2*88

ولا ليله

6# 1* 1# 1#8 09 1# 2# 1 1# 6*** 1* 6**9 6# 1* 19 08 18 1# 2# 2#8 2# 2#9 2# 2# 2# 1# 1
1# 18 1# 1 1# 1 6***9 0 1#* 2# 4 48 09 4 4# 2# 4 1# 2# 19 1# 2# 2#9 08 2#8 4 4# 4#
4#88 5# 4#9 4#9 4# 4# 4 2# 4 49 48

تقدر تكلم temp:140

4a1 4a1 4a1 83a1 16c2 163a1 8a1 83a1 4a1 83a1 16c2 4a1 4a1 4d2 8d2 8c2 4c2 8a1
83a1 8a1 83a1 8a1 83a1 4g1 4g1 8a1 163a1 16a1 8g1 8a1 43a1 83a1 8a1 83a1 8a1 8f1
8g1 4e1 4g1 4g1 8a1 163a1 16a1 8g1 8a1 4g1 8a1 163a1

كنزي temp :180

8c2 4c1 4c1 4c1 8#a1 4g1 32#a1 32c2 8#a1 4a1 8a1 4g1 32#a1 32#2 8#a1 4a1 8c2 4d1
32g1 32a1 8g1 2e1 8c1 4d1 4e14g1 8e1 4c1 16e1 16f1 8e12d1 8c1 4c1 4c1 32c1 32d1
8c1 8#a1 4g1 32#a1 32c2 8#a1 16a1

قالى الوداع TEMP 160

4a1 16d2 16e1 16c1 16d1 16#a1 16c2 1a1 8- 4g1 32a1 32#a1 8a1 8g1 1f1 4- 4c2 4d1
32e1 32f1 32e1 1c1 4-4c1 8c1 8#a1 8a1 32c2 32d1 2c1 32#a1 32c2 2#a1 8a1

علم قلبي temp 180

4b1 4c2 32e1 32#f1 8e1 8-8e1 8-8e1 8-8#f1 4d1 4-4d1 4c2 4e1 8-8e1 8-8e1 8-8#f1 4d1
4-8b1 8-8b1 4g2 8-8g1 8g1 8-8e1 8-8#f1 8-4#f1 8e1 16d1 8-8d1 8e1 4#f1 8#f1 8-8e1 8-
8g1 8#f1 8e1 8d1 16c1

أعیش temp 160

16a3 16-16a1 8-4a1 8#a1 8#a1 8c3 8#a2 8a1 8a1 8#a1 8a1 8g1 4#f1 8d1 4#f1 4a1 8c3
4#a2 8a1 8#a1 8a1 8#a1 8a1 4g1 16c3 16-4c1 8d1 8e1 8f1 8e1 8d1 8c1 8d1 8c1 8#a2
4a1 8g1 4c3 4#a2 8d3 8c1 8d1 8c1 8#a2 8a1 8#a1

فهرس

٤	مشوار الحياة.....
٥	طموحات
٦	قلوع مروحين.....
٧	راجعين
٨	رجعت من السفر
٩	ما يتحكيش عليها
١٠	أيامنا
١١	الماضي.....
١٢	نور العين
١٣	ليلة من عمري
١٤	نفس المكان
١٥	تفتكريني
١٦	عودوني.....
١٧	خلصت فيك كل الكلام
١٨	ملك إيديك
١٩	الملاك البريء.....
٢٠	الفراق نار
٢١	وغلاوتك
٢٢	يالوالي
٢٣	ناري
٢٥	قمرين

٢٧	أنا..
٢٩	قلبي
٣٠	أنا بأحبك أكثر
٣٢	بتوحشني
٣٤	ولسة بتحبة
٣٦	حكايتي
٣٧	خليك فاكروني
٣٨	العالم الله
٣٩	تملي معاك
٤٠	كدة عيني... عينك
٤١	سنين
٤٢	وهي عاملة إيه دلوقت ؟
٤٣	أعمل إيه
٤٤	لو كان يرضيك
٤٦	بأعترف
٤٧	صعبان عليا
٤٨	ولا علي باله
٤٩	أكثر واحد بيحبك
٥٠	بعد الليالي
٥١	قلت إيه
٥٢	ولا ليله
٥٤	أدينني رجعتك

٥٥ صدقتي
٥٧ أحبك اكرهك
٥٩ يا حبيبي لا
٦١ علم قلبي
٦٢ كلهم
٦٣ علم قلبي الغرام
٦٤ يا كنزي
٦٥ تقدر تتكلم
٦٦ لو عشقاني
٦٧ حبيبي يا عمري
٦٨ أنت مقتلش ليه
٧٠ نغمات
٧٢ فهرس